

Napomena: *Prijevod ovog propisa obezbjedila je Republička izborna komisija, sa ciljem da se svima koji su zainteresirani olakša učešće na izborima za nacionalne savjete nacionalnih manjina. Ovaj prijevod se ne smatra zvaničnim pravnim aktom i u slučaju bilo kakvog neslaganja, merodavan je jedino tekst propisa na srpskom jeziku.*

Na osnovu člana 44. stav 3, člana 52. stav 4, člana 53. stav 3. i člana 55. Zakona o nacionalnim savjetima nacionalnih manjina („Službeni glasnik RS”, br. 72/09, 20/14 – US, 55/14 i 47/18),

Ministar državne uprave i lokalne samouprave donosi

P R A V I L N I K

O NAČINU VOĐENJA POSEBNOG BIRAČKOG SPISKA NACIONALNE MANJINE¹

Član 1.

Ovim pravilnikom bliže se uređuju način vođenja posebnog biračkog spiska nacionalne manjine (u daljem tekstu: poseban birački spisak) i druga pitanja koja su od značaja za potpuno, tačno i ažurno vođenje posebnog biračkog spiska.

Član 2.

Izjava o podržavanju zahtjeva za obrazovanje posebnog biračkog spiska (Obrazac 1) odštampana je uz ovaj pravilnik i čini njegov sastavni dio.

Član 3.

Upis u poseban birački spisak vrši se isključivo na lični zahtjev pripadnika nacionalne manjine, koji se svojeručno potpisan podnosi u pisanoj formi organu jedinice lokalne samouprave prema mjestu prebivališta, odnosno mjestu boravišta za interno raseljena lica.

Zahtjev za upis u poseban birački spisak (Obrazac 2) odštampan je uz ovaj pravilnik i čini njegov sastavni dio.

Član 4.

Organ uprave jedinice lokalne samouprave, po prijemu zahtjeva za upis u poseban birački spisak, po službenoj dužnosti vrši uvid u jedinstveni birački spisak koji se vodi u Republici Srbiji, radi utvrđivanja postojanja općih uslova za sticanje aktivnog biračkog prava kod podnosioca zahtjeva.

Ako organ uprave jedinice lokalne samouprave na osnovu izvršenog uvida utvrdi da su ispunjeni opći uslovi iz stava 1. ovog člana, donosi rješenje o upisu u poseban birački spisak.

Ako organ uprave jedinice lokalne samouprave utvrdi da podnosilac zahtjeva ne ispunjava opće uslove za sticanje biračkog prava, donosi rješenje kojim se zahtjev za upis u poseban birački spisak odbija.

¹ " Službeni glanik RS", broj 61/18

Član 5.

Brisanje iz posebnog biračkog spiska vrši se po službenoj dužnosti ili na osnovu zahtjeva za brisanje, koji se svojeručno potpisan podnosi u pisanoj formi organu uprave jedinice lokalne samouprave prema mjestu prebivališta podnosioca zahtjeva, odnosno mjestu boravišta za interno raseljena lica.

Zahtjev za brisanje iz posebnog biračkog spiska (Obrazac 3) odštampan je uz ovaj pravilnik i čini njegov sastavni dio.

Član 6.

Poseban birački spisak može voditi i ažurirati jedan ili više službenika koji moraju imati ovlaštenje rukovodioca organa i kvalifikovani elektronski sertifikat izdat od ovlaštenog sertifikacionog tijela.

Ažuriranje posebnog biračkog spiska, u smislu ovog pravilnika, je vršenje svih promjena u posebnom biračkom spisku (upis, brisanje, izmjena, dopuna ili ispravka) na način i po postupku utvrđenim zakonom.

Ministarstvo nadležno za vođenje posebnog biračkog spiska (u daljem tekstu: Ministarstvo) preuzima podatke preko veb servisa iz jedinstvenog biračkog spiska koji su potrebni za ažuriranje i vršenje promjena po službenoj dužnosti o biračima koji su upisani u posebnom biračkom spisku.

Član 7.

Pravo na uvid u poseban birački spisak ima svaki pripadnik nacionalne manjine u cilju provjere ličnih podataka upisanih u poseban birački spisak.

Uvid u dio posebnog biračkog spiska može se izvršiti neposredno u općinskoj, odnosno gradskoj upravi u kojoj pripadnik nacionalne manjine ima prebivalište, odnosno boravište za interno raseljena lica, u skladu sa zakonom koji uređuje zaštitu podataka o ličnosti.

Uvid u poseban birački spisak, u skladu sa zakonom koji uređuje zaštitu podataka o ličnosti, može se izvršiti i elektronskim putem na zvaničnoj internet stranici Ministarstva.

Ovlašteni predstavnici podnosilaca potvrđenih izbornih lista imaju pravo uvida u poseban birački spisak, kao i uvida u službenu dokumentaciju na osnovu koje organ nadležan za vođenje posebnog biračkog spiska vrši upis, brisanje, izmjene, dopune ili ispravke biračkog spiska, u skladu sa zakonom.

Član 8.

Rješenje o zaključenju posebnog biračkog spiska donosi i potpisuje ministar nadležan za vođenje posebnog biračkog spiska (u daljem tekstu: Ministar) ili lice koje on ovlasti i ovjerava se pečatom Ministarstva.

Ministarstvo ovjerava štampane izvode iz tog spiska razvrstane po jedinicama lokalne samouprave i biračkim mjestima.

Štampani izvodi iz posebnog biračkog spiska ovjeravaju se na taj način što se na posljednjoj stranici izvoda štampa redni broj birača sa kojim je zaključen izvod, potpis Ministra ili ovlaštenog lica i otisak pečata Ministarstva.

Nakon zaključenja posebnog biračkog spiska općinska, odnosno gradska uprava zahtjev za upis promjena u poseban birački spisak, sa priložima, dostavlja elektronskim putem Ministarstvu bez odlaganja, a najkasnije sljedećeg dana ukoliko je zahtjev primljen neposredno prije isteka radnog vremena.

Član 9.

Razvrstavanje birača na biračka mjesta utvrđena rješenjem Republičke izborne komisije za jedinicu lokalne samouprave, do momenta zaključenja posebnog biračkog spiska i sa stanjem upisanim u poseban birački spisak prije njegovog zaključenja, vrše općinske, odnosno gradske uprave.

Po zaključenju posebnog biračkog spiska razvrstavanje birača na biračka mjesta za sve jedinice lokalne samouprave vrši Ministarstvo uz tehničku i drugu pomoć gradskih i općinskih uprava.

Član 10.

Danom stupanja na snagu ovog pravilnika prestaje da važi Pravilnik o načinu vođenja posebnog biračkog spiska nacionalne manjine („Službeni glasnik RS”, br. 72/14 i 81/14 – ispravka).

Član 11.

Ovaj pravilnik stupa na snagu narednog dana od dana objavljivanja u „Službenom glasniku Republike Srbije”.

Broj 110-00-00189/2018-27

U Beogradu, 6. avgusta 2018. godine

Ministar,
Branko Ružić, s.r.

**IZJAVA
PRIPADNIKA NACIONALNE MANJINE O PODRAŽAVANJU ZAHTJEVA ZA OBRAZOVANJE
POSEBNOG BIRAČKOG SPISAK**

Podržavam zahtjev za obrazovanje posebnog biračkog spiska _____ nacionalne
(navesti naziv nacionalne manjine)
manjine

Pripadnik nacionalne manjine _____,
(ime i prezime) (JMBG) _____,
(adresa prebivališta/boravišta)

Istovremeno sa potpisivanjem ove izjave obavješten sam o obradi podataka o ličnosti i pristajem na obradu podataka u skladu sa zakonom.

(potpis)

Potvrđuje se da je ovu izjavu _____ svojeručno potpisao.
(ime i prezime)

Identitet pripadnika nacionalne manjine utvrđen je na osnovu uvida u lične isprave.

U skladu sa članom 44. stav 7. Zakona o nacionalnim savjetima nacionalnih manjina („Službeni glasnik RS”, br. 72/09, 20/14 – US, 55/14 i 47/18) naknada za ovjeru se ne naplaćuje.

Ov. br. _____

U _____, _____ u _____ sati.
(mjesto) (datum)

Nadležni organ za ovjeru _____
(mjesto)

(potpis)

(ime i prezime)

NAPOMENA: Izjavu podnosilac zahtjeva umnožava u potrebnom broju primjeraka. Izjave se dostavljaju složene po azbučnom redu prezimena pripadnika nacionalne manjine, u prilogu popisa svih pripadnika nacionalne manjine koji podržavaju zahtjev za obrazovanje posebnog biračkog spiska, s tim što se popis dostavlja u pisanom i u elektronskom obliku (CD-u) i tako da u oba oblika bude istovjetan. Zahtjev za obrazovanje posebnog biračkog spiska mora da podrži najmanje 5% (a ne manje od 300) pripadnika nacionalne manjine za koju se podnosi zahtjev, prema posljednjem popisu stanovništva.

OPĆINA _____, GRAD _____
(naziv jedinice lokalne samouprave kojoj se podnosi zahtjev)

Z A H T J E V

za upis u poseban birački spisak _____ nacionalne manjine
(naziv nacionalne manjine)

Podnosilac zahtjeva:

Ime i prezime birača _____

Ime jednog od roditelja birača _____

Biračev jedinstveni matični broj građana

--	--	--	--	--	--	--	--	--	--	--	--	--	--	--	--	--	--	--	--

Datum i mjesto rođenja birača _____

Pol birača _____

Mjesto i adresa prebivališta birača _____

Mjesto i adresa boravišta birača za interno raseljeno lice _____

Općina/Grad _____

Telefon _____
(nije obavezno ali je poželjno upisati)

Ja, _____,
(ime) (ime oca) (prezime)

kao pripadnik _____ nacionalne manjine podnosim zahtjev za
(naziv nacionalne manjine)

upis u poseban birački spisak moje nacionalne manjine, u skladu sa članom 32. st. 1. i 2. i članom 47. stav 3. Zakona o nacionalnim savjetima nacionalnih manjina („Službeni glasnik RS”, br. 72/09, 20/14 – US, 55/14 i 47/18).

Istovremeno sa potpisivanjem ovog zahtjeva obavješten sam o obradi podataka o ličnosti i pristajem na obradu podataka u skladu sa zakonom.

Podnosilac zahtjeva:

U _____, dana _____

(potpis)

NAPOMENA: Svi podaci popunjavaju se čitko, štampanim slovima i identično kao što su upisani u ličnoj karti.

OPĆINA _____, GRAD _____
(naziv jedinice lokalne samouprave kojoj se podnosi zahtjev)

Z A H T J E V

za brisanje iz posebnog biračkog spiska _____ nacionalne manjine
(naziv nacionalne manjine)

Podnosilac zahtjeva:

Ime i prezime birača _____

Ime jednog od roditelja birača _____

Biračev jedinstveni matični broj građana

--	--	--	--	--	--	--	--	--	--	--	--	--	--	--	--	--	--	--	--

Datum i mjesto rođenja birača _____

Pol birača _____

Mjesto i adresa prebivališta birača _____

Mjesto i adresa boravišta birača za interno raseljeno lice _____

Općina/Grad _____

Telefon _____
(nije obavezno ali je poželjno upisati)

Ja, _____,
(ime) (ime oca) (prezime)

podnosim zahtjev da budem brisan iz posebnog biračkog spiska _____
(naziv nacionalne manjine)

nacionalne manjine, u skladu sa članom 53. stav 3. Zakona o nacionalnim savjetima nacionalnih manjina („Službeni glasnik RS”, br. 72/09, 20/14 – US, 55/14 i 47/18).

Istovremeno sa potpisivanjem ovog zahtjeva obavješten sam o obradi podataka o ličnosti i pristajem na obradu podataka u skladu sa zakonom.

Podnosilac zahtjeva:

U _____, dana _____

(potpis)

NAPOMENA: Svi podaci popunjavaju se čitko, štampanim slovima i identično kao što su upisani u ličnoj karti.